

## Цезский Текст 1

### ЙИЗАЛЪАЙ ГЫЧІЧІА ИХИВ ШЕБИ ЁЛЬ?

1) Сис зовн беже, оціра ль'ора километрā бехора ис. 2) Сис ихив цейн байн жа ис элāй нелъā бокІно бижин. 3) Цейā жа хІонкьорно бижин, сида ихив тІекзо шилазāн эхъерно бацІхо зовн. 4) ТІекер шеби элІакин рийн āну нелъаз шилазакъ рохъхоси шебин. 5) Исно цейā бацІно лъийрно, тІекзо шилазакъ лІузаби лІехун. 6) Сида заманальāй, регирно хъема, цІохно реже-реже лъаци. 7) Гъемелькьогон жа тІека жекІ-бокІельноси, шилазакъāй лъацā йāжиру исес цІигъу сид ахІозиз оззāгъор йикІин. 8) Несис озури ролІа рутирзакъ, гІалІāгъор жамагІатёкьор хабар бегирно, дāз оззāгъор рāкІиру шеби элІа рāйнчІиру шебин рогъва гъоролІин. 9) Элāй бизин жамагІат бикІин. 10) Жедā жедуде садахъ, ахІозиз оззāй ланди рогъва, хъуно оціно гамушъзас рекъун рижин. 11) Нāсин рекъубин тІахІин хІакъала ахІозиз оззāй исес цІигъу лІисин йогъно. 12) Халкъимо жа гамушъзахъ лІисирно гІалІагъорно йижин, жедā жедус цІикІив гІалІно кушин, нелъ цІигъукъ кьири бодин. 13) Сида заманаль, неширухайтІа шеби элІа рийханузо лъинāн цІигъакъ кьири яльру гІалІ кІекІбикІерхотІа зовн. 14) Гъуду жамагІатё туммабин телІно бихъ'ин бичаних ГІолохъби бегирно. 15) Жедā эло сис ихив зиру чІакъ'ирно. 16) Нелъакъ кьирāй хІошин богъно, къ'унадер болІин бокІно. 17) БолІикІа хІошос гІалІоз халкъимохъор бокоби рохъно, болІикІунигон сид къорол гъ'аназас кулъа родацекин гІезе бохъно āну.

18) Гъовлъа имадалъāй гычІчІа ихив шеби ёль: исā, цейā, тІекайā, ахІойā, зируйā, къорол гъ'анабийā?